

o quattr'ore; e per qualchi ghiornu tenite alla larga tutti l'amici. Riposu e pazienza.

U sgiò Saveriu migliurò, l'avete diggià capita. E dopu ad ellu migliuronu tutti quelli chi u giovanu duttore dichiarava fora di periculu. Purtroppo, s'ellu cundannava a qualchidunu, ùn c'era barba di dutturone pisanu o ancu pariginu chi riescisse più a salvallu. In capu adui o tre anni, a nomina di Quarisiminu avia travancatu i monti, e a sò casetta di a Rusticaccia s'era ingrandata d'un bellu appiccicu.



U più é dettu, ci pude-
rèbbimu firmà qui. Ma
stalvò un fattu ch'ellu ùn
ci pare d'avè da lascià
sottu silenziu.

Una mane, entrendu in
casa d'un novu malatu, u
nostru amicu vidde a u
fucone u cumpare chi li
fecia cennu. S'avvicinò, e
u Bisognu li disse abbas-
tanza distintamente, senza
chi l'altri u sentissemu :

- Figliolu, dammi retta, é
ora che tu cambie stanza e
paese.

- Vulete ch'eo sbirbi daa miò
Rusticaccia ?

- Un la vogliu eo : ti ne devi andà.
Legge di vita. Ricordati di e parolle di u
nostru Signore : Nimu é prufeta in patria.

Quarisiminu, chi s'era dumandatu, l'ul-
timi tempi, da ciò ch'elle pudessenu vene
una cert'aria tradita e certe zingate insoli-
te di i sò paisani, si senti sbucchià u core.
Ad ellu, li si paria di tene caru a tutti. Ma
u mondu é fattu cusi, e forse ch'ella si
capisce.

Ogni cuntentezza fora di l'ordinariu,
ogni nova liccia, tocca a pagalle cun qual-
chi inghiùlia e qualchi dolore. A sera
stessa, dopu avè intesu u babbu e a
mamma, saltò in sella, decisu a vede s'el-
lu ùn ci serebbe statu locu per elli in
Talasani.

Paria chi u sgiò Saveriu l'aspettasse.



Quand'ellu u vidde, l'abbracciò
trascinò in casa, dicendu :

- Venite, caru duttore, a miò s
meza intratalata. Eppo'credu ch
vegga volenteru...

Cum'elle andonu e cose, unu
ch'ò a dica per filu e per segnu.
vita, u nostru amicu capì chi que
vana, veramente bella e cumpita
moglia chi l'era destinata. E capì p
u sgiò Saveriu serebbe sempre st
ellu, finch'elli ùn l'avesse visitati
Morte, un veru fratellu.

Fola fuletta, schinchirichetta...

Un saperebbi di si stu racontu cu
qualchi murale. Ma so ciò ch'elli
vanu di prete Vaschi i sò parrucc
ch'ellu unu era un santu da cuntà
ad oziu. ■

A-F. FR

U PINARELLU

Era una ghjurnata splendida
cù un celu puru, senza
mancu un nulu...Scusa! Ci
n'era unu, biancu, chì a si spas-
sighjava nant'à issa immensità.

In terra e foglie eranu digià
cascate. I castagni e si avianu
perse. È ci era un omu nant'à a
stradella cù qualcosa à collu, è di u
so passu e foglie si scunculavanu...
Ci vole à di chì a stagione era
avanzata è facia u fretu. Un nulu
biancu, cum'è un agnulu in celu, si
n'era andatu senza sapè induv'ellu
era pigliatu...

In terra u pinarellu si messe à
trimà. Tandu a leccia, u castagnu:
"Chì ai? s'è malatu? ai u fretu?...
Tremi cum'è e fronde ch'aghju
persu... è puru ùn ci hè mancu una
criarella di ventu!"

Tandu u pinarellu disse a i so
amichi di a furesta:

- Perchè? Ùn vidite micca l'omu
quallà, chì vene ver di mè?

- Allora, chì pò fà? Un omu chì
si spassighjeghja!

- Ma fidighjate! Hà qualcosa à
collu! Hè u listessu di l'annu pas-
satu. Eu u ricunnoscu. Mi avia

pigliatu pè e ciuffe è po mi
dettu: "À quist'annu chì vene!"

È l'omu, di più pressatu, s'avviciò
nava da u pinarellu...

- Avà u ricunniscite, l'ogettu
ch'ellu hà à collu? Hè un'accettu
Dopu dumane hè Natale!

- Ma chì pò fà!? Un vedi micca
chì u stile sorte da a nostra furesta?
Ùn appii paura...

A parolla à pena finita, un'ac-
cettata... è u pinu fù scapatu. ■

R.RINALDI